

“МОЛО ЁДЫРАМАШ ГАЯК ИАМ”

Тыге оила «Марий Эл» телерадиокомпанийын дикторжо Роза Рябцева

Р. В.: Ондак тувырлан комитет идалыклан кок гана оксам ойбра ыле. Кызыт вургем шотышто нельлык шижалтеш, костюмат шкеак кычалаш перна. Кертме семын чияш тыршена.

— Могай стиль тыланда келша?

Р. В.: Кажне айдемын шке стильже. Мыланем гын улдаракшым строго-деловой стиль чонемлан лишыл. Молан манаш гын, мый кугу ешеш сочың-кушкынам,

садлан тиде стиль эше йоча годымак шынген пурен, очыни.

— Могай түсым да могай духим йоратеда?

Р. В.: Түс гыч такше шемалге але сур келша, а йоратыме духизм — «Дзинтарс» фирмын.

— Вургем, косметик шотышто кудо элын лукмо сатужым сайлан шотледа?

Р. В.: Чыным ойлаш гын, вес элын лукмо сатужо мыланем ок келше. Мутлан, тўрвычия (помада) чот йылгыжеш, шкенан сайрак чучеш, крем южгунам локтылалтше верештеш. Садлан шке элнан лукмо сатужым гына кучылташ тыршем.

— Йодышем изиш вес сынанрак лиеш: уремыште тендам чылан палат...

Р. В.: Автобусышто, кевытыште, уремыште мыйым шукинжо пален шуктат, а южышт палымышт семын түслен ончат. Ты шотышто шкемым пиаланлан шотлем. Илышыштем неле азапыш логалме годымат йолташем-влак ышт кудалте. Нунылан — Зоя Аркадьевна Милютиналан, Серафима Алексеевна Кудрявцевалан, Лидия Григорьевна Шапкиналан, Августа Николаевна Айдемировалан да шуко мольланат — йон лийме дене пайдаланен, газет гоч кугу таум каласем.

— Мучашыште самырык-влаклан ала иктаж-могай канашым пуэда ыле?

Р. В.: Рвезе жап чылалан шерге, лач тиде пагытыште эн мотор лийме шуэш. Садлан, очыни, утыждене тенным, тўрлө чиям, пудрым йыген шындеда, а энгекше нерген огыдат шоналте. Вет косметикымат кўлеш наре гына кучылтман, тудо айдемын чурийысе ситыдымашыжым тўрлаш полшышаш. Самырык-влаклан тева могай канашым пуынем: шке моторлыкдам ўмырда мучко арален кодынеда гын, спорт дене пенгыде кылым кучыза; чодыраш, пўртўс лонгаш миен коштса; ултарак емыжым, саскам, шўр-торыкым кочкаш тыршыза. Шагларак малыза, шукырак паша сомылым ыштыза, тунам кумылдат сай лиеш, шкежат эре мотор лийыда.

. Но туге гынат, Роза Викторовнам тўжем ўдырамаш, эсогыл самырык-влак коклаште, вик палет. Вачыш вочшо ийготым ончыде, тудо рвезе годсо моторлыкшым арален коден кертын, кечын пеледышла пеледеш манына гынат, йонгылыш огына лий. Санденак огыл мо канде экран гыч тудын шыргыжалше чурийжым ужмек, ныжылге марий мурсем гай йўкшым колмек, чонышко койдымо куан толкын шенгын пура, шыже йўран кастенат кумыл нўлтеш. Моторлыкын мо вийже тыге кертеш? Тидын нерген Роза Рябцева дене Марий госуниверситетын студенткыже Таня СТЕПАНОВА мутланен.

— Роза Викторовна, те ятыр ий телевиденийште дикторлан пашам ыштеда. Экран ончылно кызытат самырык гаяк койыда. Шкендан моторлыкдам кузе арален коден улыда, ала каласкален пуэда?

Р. В.: Тиде йодышым мыланем чўчкыдын пуат. Мом вашешташат аптыранем. Молан манаш гын, мый моло ўдырамаш гаяк улам, нунын семынак эре жапем ок сите. Эрдене шўргым леве вўд дене вашке мушкам да содор пашашке куржам, садлан шке моторлык нерген утыжым ойлашат нимом. Ача-авам да пўртўс мом пуэныт, тугай улам.

— Тендам тўжем дене калык онча. Тыланда эре мотор дияш кўлеш. Косметикын погыж гыч чўчкыдынжō мом кучылтыда?

Р. В.: Косметикым пешыжак ом йорате. Шкемымат утыжым чиялташ ом тырше. Паша кечын, эфирыш лекме деч ончыч, тень, карандаш, пудр дене гына пайдаланем. Тыгак прическым келшышым ышташлан лак деч посна нигузе ок лий, садлан тудымат кучылтам.

— Кызыт чыла сату шерге. Косметикым те шке налыда але телевидений налын пуа?

Р. В.: Лакым, пудрым, мутат уке, пуат, а молыжым шкеак налына. Кевытлаште, южгунамже пазарыште налаш перна.

— А платыжым кушто ургыктеда да кўн кўшеш? Молан мый тиде йодышым пуэм: шукушшт шонат, диктор-влакым яра чиктат манын...